



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

არაქელოვი ქრისტეფორე არამის ძე

არაქელოვი ქრისტეფორე არამის ძე [6 (19). XI. 1915, სოფ. ჩარდახლო, შამქორის რ-ნი, აზერბაიჯანი, - 1995], მუსიკათმცოდნე. ხელოვნებათმცოდნეობის კანდიდატი (1970). საქართვე. ხელოვნ. დამს. მოღვაწე (1979).

1949 დაამთავრა თბილ. ვ. სარაჯიშვილის სახ. კონსერვ. თეორ.-საკომპოზიციო ფაკ-ტი (შ. ასლანიშვილის ხელმძღვანელობით), 1953 - ასპირანტურა. 1937-იდან ეწეოდა პედ. მოღვაწეობას ფოთისა (1937 - 39) და თბილ. (1940 - 66) სამუსიკო სასწავლებლებში. 1950-იდან თბილ. კონსერვატორიაში (დოცენტი, 1971; პროფესორი, 1992) კითხულობდა მუს. ნაწარმოებების ანალიზისა და ქართ. ჰარმონიის სპეც. კურსს. ა. იყო მრავალი სამეცნიერო ნაშრომისა და კრიტ. წერილის ავტორი, სწავლობდა რუს.-ქართ. მუსიკალური ურთიერთობის საკითხებს, ეწეოდა სარედაქციო მუშაობას. ა. იყო II მსოფლიო ომის (1939 - 45) მონაწილე.

მიღებული აქვს სახელმწ., მ. შ. საბრძოლო ჯილდოები.
